

慎
柔
五
書

慎柔五書卷之四

毘陵

石震瑞章父訂正

顧元交專尹父編次

癆瘵第四

脉法

癆瘵脉酉戌時洪盛寅卯時細弱者陽氣虛陷也。忌服苦寒損其陽氣。當以助陽之劑復其寅卯之位。微加瀉陰火而已。

若服寒涼證雖大減。脉反加數者陽鬱也。

右脉大。用保元湯。左脉太。用六味湯。不減。若燥者。以
瓜蒌生甘草散潤之。

久病咳嗽氣喘。若脉洪數。不可卽用補藥。如服之。虛
火一退。多令人痿倦不起。須先用獨參湯以接其
氣。數日後。數脉漸退。方與調理爲是。

總論

大癆者。勞也。非一端可盡。或苦心竭其心脾之神志。
或酒色竭其肝腎之陰精。或久痢久瘧傷寒傷暑。
皆治之不當。損其氣血。傷其脾胃。五藏乾枯。燥

而火起以致發熱。則金受尅。大腸先結燥。而水之源先涸矣。宜見脉見証。用藥果當無不愈者。若初熱未甚。繼以治法之非。久之卽成蒸病。蒸病者。如甑之蒸。熱之極也。然使初病元氣尚強。脉氣尚旺。照古方用五蒸湯。加減二十三蒸之法。亦無不驗。治蒸法服之。病稍退。又當察症清心。參用癆病治方。不可造次。蒸病或十日半月。熱極致骨中血凝。便化爲虫。張仲景立祛血之法。不使凝血化虫。麋虫丸百勞丸是也。倘治之不得其序。不能祛血。血

化爲虫。是時病人脉氣尚冲。精神尚旺。猶可抹也。如聲啞喉痛。寒熱大作。脉細而數。不思飲食。精神視聽俱不能支。皆屬不治。又有火鬱痰凝。氣滯咳嗽。發熱氣喘。葛先生保和湯。保真湯。次序用之。火散痰開。熱退。總歸八珍湯調理。又有吐紅咳嗽。脉雖數有神。不至于蒸蒸作虫者。脉洪。脉數。虛虛寔寔。寔通變在乎心靈矣。

骨蒸。繇氣虛不能化血。血乾則火自沸騰。肉如針刺。寸熱煩疼。或五心俱熱。或兩肋如火。或子午相應。

或晝微惡寒而夜反大熱。雖腎經所主傳變不常。蒸上則見喘咳痰血唇焦舌黑耳鳴目眩等症。蒸下則見夢遺淋濁泄瀉腰疼脚疼等症。蒸中則見腹脹脇痛四肢倦怠等症。

不問陰病陽病日久皆能傳變。男子自腎傳心肺肝脾。女子自心傳肺肝脾腎。五藏復傳六府而死矣。有始終只傳一經者。有專着心腎而不傳者。大要以脉爲症驗。

凡氣血勞倦不運則凝滯踈漏邪氣得以相承。又飲

食勞倦所傷則上焦不行下腕不通熱蒸胸中而
內熱生矣凡頸上有核腸中有塊或當臍冰冷或
無力言動皆痰涎結聚氣血凝滯之所致故以開
關啟胃爲先蓋關脉閉則氣血乾竭胃氣弱則藥
無繇行但陽虛不可偏用辛香丁附之類陰虛不
可用苦寒古方有開關定胃散今亦難用竊其意
推之

虫爲氣血凝滯瘀血化成但平補氣血爲主加以烏
梅青蒿硃砂之類而虫自亡矣紫河車丹紫河車

九青蒿膏。蛤蚧散。天靈蓋散。選用。惟度其虛實爲主。

凡體虛者。宜先用補法。扶其元氣。然後用王道之藥。佐以一二殺重之劑。如化虫丸。史君子丸之類。或追虫後。而繼以溫補。亦可。不然。則虫去而元氣亦散。

傳屍之說。不必深泥。歷觀癆瘵。皆因酒色之類。損傷心血。以致虛火妄動。醫者不分陰陽。用藥病者不思疾繇。自取。往往歸咎前因。甚則疑及房室器皿。

墳墓及冤業飛尸遞相傳莊。古人亦云癆瘵三十
六種。惟陰德可以斷之。不幸患此疾者。或入山林
或居靜室。清心戒慾。專意保養。庶乎病可除根。不
然卽服藥不效。

癆虫須分五藏。常居肺間。正所謂膏之上盲之下針
之不得。藥之不行。只宜早灸膏盲。四花爲佳。若癆
肺絲則咯血吐痰聲嘶。思食無厭。病患至此未易
療治。當參究古法九虫及一十八種虫名之異。并
素庭取虫諸法。

晝熱行陽二十五度。大抵柴胡飲子。夜熱行陰二十
五度。四順飲子。平旦發熱。熱在行陽之分。肺氣主
之。故用白虎湯。以瀉氣中之火。日晡潮熱。熱在行
陰之分。腎氣主之。故用地骨皮散。以瀉血中之火。
肝症發熱。肉下骨上。寅卯尤甚。瀉青丸。人中白散。心
症發熱。在血脉。日中則甚。單瀉心湯。導赤散。硃砂
安神丸。脾症發熱。在肌肉。遇夜尤甚。瀉黃散。三白
湯。肺症發熱。在皮毛。日西則甚。瀉白散。甚者涼膈
散。腎症發熱。在骨。亥子尤甚。兩手足心如火。滋腎

九

尸注二症。予嘗治之。先癸亥夜二更六神皆聚之時。
灸腰眼穴七壯。然後用藥。倘不能待。先用藥亦可。
注病亦似癆症。但兩足無力。行則痿疲是也。其治
法。六脉洪數。入物湯。脾肺不足。補中益氣湯。睡不
穩。歸脾湯。不思食。六君子湯。隨症推類。但煎劑中
須加忍冬葉三錢。同煎。本草以其葉能治尸注也。
凡治癆症。或男或婦。若淫火不退者。不治。不必治之。

骨蒸癆

夫骨蒸勞者。繇積熱附于骨而名也。亦曰傳尸。施毒。復連無辜。其名不一。此病皆繇脾胃虧損所致。其形羸瘦。泄利。支體無力。傳于腎。則盜汗不止。腰膝痛。夢鬼交侵。小便赤黃。傳于心。則心神怯悸。喜怒不時。頰唇赤色。乍熱乍寒。傳于肺。則胸滿短氣。咳嗽吐痰。皮膚甲錯。傳于肝。則兩目昏暗。脇下妨痛。閉戶忿怒。五藏既病。則難治療。立齋云。前症多因經行胎產。或飲食七情而傷脾胃之所致。又或病後失于調攝而成也。

東垣云發熱之症肺熱者輕手乃得微按全無日西尤甚其症咳嗽寒熱輕者用瀉白散重者涼膈散白虎湯地骨皮散心熱者微按之皮膚之下肌肉之上在血脉也日中太甚其症心煩心痛掌中熱而噦用黃連瀉心湯導赤散硃砂安神丸脾熱者輕手捫之不熱重手按至筋骨又不熱不輕不重在輕重之間在肌肉也遇夜尤甚其症怠惰嗜卧四肢不收無氣以動用瀉黃散肝熱者按之肌肉之下至骨之上寅卯時爲甚其症四肢滿悶便難

轉筋多怒多驚筋痿不能起于床用瀉青柴胡飲。
腎熱者按至骨分其熱蒸手其症骨蒸如虫蝕因
熱不能起于床用滋陰丸此治實熱之法也。

薛立齋謂肺經虛熱者用人參補肺湯脾虛不能生
肺者用六君子湯脾熱移于肺者用三黃丸心經
虛熱者用補心湯命門火衰不能生土者用八味
丸肝虛不能生心者用補肝散腎剋心者用附子
理中湯脾經虛熱者用人參黃芪散土剋水者用
承氣湯腎虛不能培肝者俱用六味丸。

血風癆

血風勞症。因氣血素虛。或產後勞傷。外邪所乘。或內有宿冷。以致腹中疼痛。四肢酸倦。發熱自汗。及婦人月水不調。面黃肌瘦。當調肝脾氣血為主。

東垣云。喜怒不節。起居不時。有所勞傷。皆損其氣。氣衰則火旺。火旺則乘其脾土。脾主四肢。故困熱懶言。動作喘乏。表熱自汗。心煩不安。當病之時。宜安靜存養。以甘寒瀉其熱氣。以酸味收其散氣。以甘溫補其中氣。經言勞者溫之。損者溫之。要畧云。平

人脈大爲勞。以黃芪建中湯治之。

冷勞

虛勞者。氣血不足。臟府虛寒。以致臍下冷痛。手足時寒。婦人月水失常。飲食不消。或時嘔吐。惡寒發熱。骨節酸疼。肌膚羸瘦。面色痿黃也。

立齋曰。前症有內外真寒。有內外真熱。亦有內真熱而外假寒。有內真寒而外假熱。若飲食難化。大便不寔。腸鳴腰痛。飲食畏寒。手足逆冷。面黃嘔吐。惡見風寒。此內外真寒之症也。宜用附子理中湯以

回陽八味地黄丸以壯火。若飲食如常大便堅寔。胸腹痞脹飲食喜冷手足煩熱面赤嘔吐不畏風寒。此內外真熱之症也。宜用黃連解毒湯以滋陰。六味丸以壯水。若飲食如常大便堅寔胸腹痞脹而飲食喜寒手足逆冷面黃嘔吐畏見風寒。此內真熱而外假寒也。亦用解毒湯六味丸而宜于熱服。若飲食少思大便不寔吞酸噯氣而手足煩熱面赤嘔吐不畏風寒。此內真寒而外假熱也。亦用附子理中及八味丸而不妨溫飲。經曰益火之源。

以消陰翳。壯水之主。以制陽光。使不知真水火之不足。泛以寒熱藥投之。則舊疾不去。新病復生矣。火之源者。陽氣之根。卽心是也。水之主者。陰氣之根。卽腎是也。非謂火爲心。原爲肝。水爲腎。主爲肺也。或者亦以命門爲火。原未爲非。是故用八味丸以益命門耳。

熱勞

熱勞。繇心肺。熱傷于氣血。以致心神煩燥。頰赤。頭疼。眼澁。唇乾。口舌生瘡。神思昏倦。四肢壯熱。飲食

無味肢體酸痛怔忡盜汗肌膚作癢或寒熱往來
當審其所因調補氣血其症自減

立齋云前症乃壯火食氣煎熬真陰所致也王太僕
云如大寒而甚熱之不熱是無火也當治其心大
熱而甚寒之不寒是無水也當助其腎心盛則生
熱腎盛則生寒然心虛則熱收于內腎虛則寒動
于中竊謂前症若肝脾血虛四物參朮肝脾鬱怒
小柴胡合四物脾胃氣虛補中益氣湯肝經血虛
加味道遙散肝經風熱小柴胡湯心經血虛加味

四物湯。午前熱屬氣分。清心蓮子飲。午後熱屬血分。四物參朮丹皮。熱從左邊起。肝火也。寔則四物龍胆山梔。虛則四物參朮黃芪。熱從臍下起。陰火也。四物參朮酒拌炒。黑黃栢知母。五味麥冬肉桂。如不應急。用加減八味丸。不時面熱。或無定處。或從腳心起。此無根虛火也。用加減八味丸。及十全大補加麥冬五味子主之。已上多出自立齋婦人良方帙中。但男女五臟相同。間有少異。其爲勞則一也。

癆瘵各症論

夫骨蒸痿痺。

半卧半起之謂復連。

內傳五藏之謂尸。

症。勞症。虫症。熱症。冷症。食症。鬼症。症者注也。自上注下。與前人相似。故曰症。其變有二十二種。或三十六種。或九十九種。令人沉沉默默。寒熱盜汗。夢與鬼交。遺泄白濁。或腹中有塊。或腦後兩邊有結核。咳嗽膿血。下痢羸瘦。死而傳症。甚至滅門。更有蜚尸。遁尸。寒尸。喪尸。尸症謂之五尸。人爲其症者。不自知所苦。雖有狸骨。獺肝。天靈蓋等方。未嘗效。

也。唯崔氏灸法早用有濟。

若寒熱自汗面白目乾口苦神昏善恐不能獨卧傳在肝也。

若寒熱面黑鼻燥善忘大便秘瀉口舌生瘡傳在心也。

若寒熱面青唇黃舌本硬強言語不出飲食無味羸瘦吐涎傳在脾也。

若寒熱面赤鼻白乾燥毛折咯嗽喘急吐涎膿血傳在肺也。

若寒熱面黃耳焦。脚脢酸痛。小便白濁。遺瀝腹痛。傳在腎也。已上陳臨川先生未有治法。

立齋云。前症誠然有之。故葛仙翁用獺肝一具。陰乾杵末。水下方寸。七日三服。未愈再服。宋宣和間。一法師善考訊鬼怪。時一婦以疾投狀。旣而如有鬼祟所附。曰。非我爲患。乃病人命自衰耳。渠今已成。虫食肺。故令吐血聲嘶。又屢訊彼所畏何物。云。以獺爪爲末。酒服之。則去矣。患家如其言。則愈。獺爪。卽獺肝之類歟。玄洙云。虫療多有互相傳染。甚至

絕戶。此乃冤業相躔及風水所致。雖有符文法水。下虫之方。虫去而人亦亡。但能平素保養。或可希免。救生微旨云。益氣補肺。益精補腎。皆資其化源也。蓋人之精血常不足。加之數奪。其真資化失常。則胃氣不固。精氣滑脫。不能上接陽氣。故頭重。或氣弱食少。元氣下陷。脉微。外散欲絕。而虛洪。或見損脉。總屬元氣不足。非有外感賊邪之証也。

立齋嘗治一婦。素勤苦。因喪子。肺病飲食少思。脾病忽吐血甚多。心病而自止。此後每勞則吐數口。瘀

症已具形體甚倦。午前以補中益氣湯滋其脾。肺。午後以歸脾湯養其心脾。送地黃丸滋腎而愈。又一女子患前症。反其唇視有白點。此虫蝕肺也。余曰。急尋獺肝治之。不相信。果咯膿而歿。後聞其兄弟三人。皆夭于此症。大凡久嗽。當視其兩唇。若上唇有點。虫蝕上部。下唇有點。虫蝕下部。

尸厥

夫飛尸者。遊走皮膚。穿行臟腑。每發刺痛。變作無常。遁尸者。附骨入肉。攻通血脉。見尸喪。聞哀哭。便發。

風尸者。淫濯四肢痛而昏沉。遇風雪便發。

沉尸者。躋骨結藏內腫。心脇發則絞痛。遇寒冷便發。
注尸者。舉身沉重。精神錯雜。時覺昏憤。每至節氣便
發。已上並宜蘓合香丸治之。

按丹溪云。凡人手足遂冷。膚粟頭面青黑。精神恍惚。
或錯言妄語。或牙關緊急。或昏寐仆倒。吊死問喪。
入廟登墓。多有此病。先以蘓合香丸灌之。次服調
氣散。平胃散。玉機微義云。卒厥飛尸。客忤鬼擊。口
噤。用麻黃湯。寒厥表熱裏寒。則下利清穀。食下則

吐脉沉手足冷用四逆湯熱厥腹滿身重難轉面
垢譫語遺溺手足冷自汗脉沉滑用白虎湯若人
身忽然不動目閉口噤惡聞聲響眩冒頃時方寤
此由出汗過多氣并于血陽獨上而不下氣壅塞
而不行耳氣過血還陰陽復通移時方寤名曰鬱
冒亦名血厥宜白薇湯倉公散

人病尸厥呼之不應者死脉當大反小者死

錦衣楊永興舉家避青有僕沉醉失避者旣而神思
昏聩遍身青傷煎金銀藤湯灌之卽愈

一婦人忽昏憤發謔語兩腳踝膝臂處皆青腫痛不可忍口稱苦楚次日方甦痛尚不止用金銀藤兩許水煎服卽愈。

一婦人入古塚患前症以紫金錠灌之卽甦。

勞症主治湯方門

人參養榮湯 治男子血虛有汗潮熱

人參 白朮 茯苓 甘草 川歸 黃芪

肉桂 陳皮 遠志 熟地 五味子 姜水煎

補中益氣湯 治氣虛有汗潮熱

見虛損門

茯苓補心湯 治血虛無汗潮熱

人參 茯苓 陳皮 桔梗 枳殼 前胡

川芎 地黃 川歸 白芍 甘草 半夏

紫蘂 乾葛

姜棗水煎

人參清肌散 治氣虛無汗潮熱

人參 白朮 茯苓 赤芍 當歸 柴胡

葛根 甘草 半夏麴

姜棗煎

八物湯 治女子血虛有汗潮熱

見虛損門

人參柴胡散 治氣虛無汗潮熱

白朮 葛根 半夏 柴胡 白茯苓 人參

赤芍 當歸 甘草

姜棗煎

逍遙散 治氣血兩虛無汗潮熱

白朮 茯苓 甘草 白芍 歸身 柴胡

姜棗煎

人參五味子散 治咳嗽咯血

人參 五味子 桑白皮 白朮 黃芪 白茯苓

地骨皮 熟地 柴胡 歸身 前胡 陳皮

甘草 枳殼 桔梗

湯加烏梅半個 熱加青蒿知母

葛氏保和湯 治吐血後咳嗽

知母 貝母 天冬 麥冬 款冬花 天花粉

杏仁 杏仁 五味子 甘草 兜苓 紫苑

百合 桔梗 阿膠 當歸 生地 紫蘇

薄荷

姜煎入飴糖一匙日三服

血盛加 蒲黃 茜根 藕節 大薊 小薊

茅花

痰加 南星 半夏 橘紅 茯苓 枳殼

枳實 瓜蒌仁

喘盛加 桑白皮 陳皮 大腹皮 萊菔子

葶藶子 蘇子

熱盛加。

山梔

黃連

黃栢

連翹

風盛加。

防風

荊芥穗

金沸草

甘菊

細辛

香附

寒盛加。

人參

芍藥

桂枝

五味子

白蠟

五。蒸湯。治骨蒸。

人參

黃芩

知母

地黃

葛根

煨石膏

粳米

麥斗

甘草

浮小麥一撮水煎

二十四種蒸病用藥法 已下方法俱從五蒸

湯見症加減

所謂勞蒸者毛折髮焦肌膚甲錯其蒸在皮又症舌

自唾血加 石膏 桑白皮

外熱內寒身振肉瞤其蒸其肉又症食無味而嘔煩

躁不安加 芍藥

髮焦鼻衄或復尿血其蒸在血加 生地 當歸

童子小便

身熱煩躁痛如針刺其蒸在脉又症唾白浪語脉絡

亂緩急不調加 生地 當歸 童便

爪甲焦枯眼黑脇痛其蒸在髓又症髓沸骨中熱加

天門冬 當歸 生地

頭眩熱悶涎濁眵淚其蒸在腦加 生地 防風

男子失精女子白淫其蒸在玉房加 知母 黃柏

當歸 芍藥

乍寒乍熱中脘煩悶其蒸在三焦加 竹葉 石膏

小便赤黃凝濁如膏其蒸在膀胱又症右耳焦加

澤瀉 滑石

大便秘泄。腹中雷鳴。其蒸在小腸。又症下唇焦。加

赤茯苓 木通 生地

大腹隱痛。口舌乾疼。其蒸在大腸。又症右鼻孔乾痛。

加大黃 芒硝

口鼻乾燥。腹脹自汗。睡卧不安。其蒸在胃。又症舌下

痛。加石膏 粳米 大黃 芒硝 乾葛

口苦耳聾。兩脇下痛。其蒸在胆。又症眼色白。加柴

胡 瓜蒌

裏急後重。肛門閉澁。其蒸在廣腸。加 鈇

小腹疼痛筋脉縱緩陰器自強其蒸在宗筋加 缺

眩暈下淚躁怒不常其蒸在肝又症眼黑加 川芎

當歸 前胡

舌黑氣短煩悶灑洒其蒸在心又症舌乾加 黃連

生地 當歸

唇乾口瘡胸腹脹悶畏寒不食其蒸在脾加 芍藥

木瓜 苦參

咳嗽喘滿咯痰吐血聲嘶音啞其蒸在肺又症鼻乾

加 天冬 桔梗 紫苑 烏梅肉

耳輪焦枯脚氣酸痛其蒸在腎 加 生薑 石膏

知母 寒水石 藁本

情想不寧精物時下其蒸在右腎 加 鉄

心膈噎塞攻擊疼痛俛仰煩冤其蒸在鬲 加 鉄

上氣喘促鼻乾身熱不安其蒸在氣 加 人參

黃芩 梔子

已上共二十三種加減係立齋先生引醫林集

胞蒸小便赤用澤瀉 茯苓 生地 沉香 滑石

膀胱蒸_左右耳焦用澤瀉 滑石

骨蒸齒黑腹痛足脛瘦用鱉甲 地骨皮 丹皮

當歸 生地

腎蒸腿細肢腫腑藏俱熱用石膏 滑石

膚蒸肌肉熱用牡丹皮

實熱加 黃芩 黃連 黃柏 大黃

虛熱加 烏梅 柴胡 蛤蚧 青蒿 鱉甲 丹

皮 已上出體仁彙編

薛立齋云凡此諸症虛勞熱病食肉與油膩房勞飲酒而成者久蒸不除變爲疳症卽死亦有瘥久不愈以致咳嗽失治漸成骨蒸勞瘵當推標本而治

之。

按立齋言蒸病二十四種止簡得二十三種體仁
彙編言蒸病亦二十三種且蒸病各異各蒸下註
症或有或無可見病之險難人罕師傳所以闕漏
無憑前後不一俟博觀者補之

海藏云以上諸蒸或臟病或腑病或府藏俱病脉絡
氣血交經相屬用藥皆當合而用之君臣佐使上
下奇偶表裏虛實逆從通塞汗下吐補咸在其中
凡蒸病不巳骨節間陰有乾血用行血丸。

一切勞傷內有乾血肌膚甲錯兩目黯黑緩中補虛。

大黃蟻蛭丸主之。

大黃 十分蒸 黃芩 二兩 甘草 三兩 桃仁 一升

杏仁 一升 芍藥 四兩 乾地黄 十兩 乾漆 一兩

蟲蛭 一升 水蛭 百枝 蟻蛭 一升 蜜蛭 半升

煉蜜丸小豆大酒飲服五丸日三服

仲景百勞丸 治一切勞瘵積滯未經藥壞証者

當歸 炒 乳香 沒藥 各一錢 蜜蛭 十四個去翅足

人參 二錢 大黃 四錢 水蛭 十四個炒 桃仁 十四粒去皮尖

蜜九桐子大都作一服可百九五更用百澇水下
取惡物爲度服白粥十日百澇水者杓揚百遍卽
甘澇水也。

立齋先生止述獺爪治虫不及言古治虫之方今具
于此有心者寃焉

一肝癆熱生長虫在肝令人恐畏不安眼中赤癭治
以五鳳丸

烏雞卵

去黃五枚

吳茱萸

東行根三升

黃蠟

三兩

乾漆

四兩

粳米粉

半升

同入鍋內火煉至可丸卽丸如小豆大隔宿不食
清晨米飲下百二十九小兒五十九虫卽爛盡
一心癆熱有虫長尺餘名蠱虫貫心卽死治以雷公
丸

雷丸

五枚

陳皮

桃仁

各一兩一錢五分

貫衆

蕪荑

青箱子

乾漆

各一兩

亂髮

一團

姜蚕

十四枚

爲末蜜丸小豆大每二十九空心溫酒下

一脾癆熱內有白虫有脾令人好嘔而胸中咳吐不
出治以茱萸根湯

茱萸

東行根一錢

火麻子

八錢

陳皮

一兩五錢

水煎服或下虫或下黃汁凡合此藥禁聲勿語方

驗

一肺癆熱瘦損有虫在肺令人咳逆氣喘所謂憂忿

氣膈寒熱皆膏盲之疾針灸不到治以五膈下氣

丸

麥冬

五兩

蜀椒

一兩

遠志

防風

細辛

生姜

甘草

各五錢

百部

人參

白朮

黃芪

各七錢五分

桂心

二錢五分

杏仁

二十四粒

爲末密丸彈子大每一丸徐徐含化忌生冷肥膩
一腎癆熱蟻虫生腎中令四肢腫急治以千金散

貫衆

三兩

乾漆

二兩

蕪荑

胡粉

槐白皮

各一兩

吳萸

五十粒

杏仁

四十五粒

爲末平旦井水調服方寸匕漸加病瘥卽止

傳屍癆虫一十八種

傳屍自上注下病與前人相似故又曰注化精血
歸于元陽之內變幻種類最多古怪

第一代虫如嬰兒或如鬼或如蝦蟇遇丙丁日食起

醉歸心俞

第二代虫如亂髮或如守宮或如蜈蚣或如蝦遇庚
辛日食起醉歸肺俞

第三代虫如蚊如蟻或如蠅螂或如刺蝟遇庚辛日
食起醉歸厥陰

第四代虫如亂系或如猪肝或如蚯蚓如蛇遇戊巳
日食起醉歸脾俞

第五代虫如鱉龜或有頭無足有足無頭或如鼠或
如精血遇甲乙日食起醉歸肝俞

第六代虫如鳥尾有兩條一雌一雄或如鱉有頭足
尾或如爛麤或長或短遇丑亥日食起醉歸腎俞
古又有九虫

一曰伏虫長四寸許爲諸虫之長

二曰蛔虫長尺許貫心卽殺入

三曰白虫長一寸母子相生其形轉大而長亦能
殺人

四曰肉虫狀如爛杏令人心煩滿悶

五曰肺虫其狀如蚕令人咳嗽

六曰蝟虫狀如蝦蟇令人嘔吐厄逆喜噦嘈雜愛食泥炭生米茶塩姜椒等物

七日鴈虫如瓜瓣令人多唾

八曰赤虫狀如生肉令人腸鳴

九曰蟯虫狀如茱虫形至細微居廣腸多則爲痔劇則爲癰癰疽疥癬多虫之爲害

大抵諸虫皆因飲食不節或饑飽失宜或過食腥膾炙燂或鱉鳧同食以致中脘氣血不運而成積積久成熱濕熱薰蒸與瘀血凝結隨五行之氣變化

而爲諸般奇怪之形若腐草爲螢是也

凡虫症眼眶鼻下青黑面色痿黃臉上有幾條血絲如蟹爪分明飲食不進肌肉不生沉重寒熱若不早治相生不已貫心殺人

又有山澗蛇虺水蛭遺精誤飲其水或草木菓實虫聚誤食以致心腹刺痛或引腰脇時作時止諸藥不效乃虫証也雄砂丸主之

鶴風草

蕪荑

乾漆

姜蚕

各三錢

貫仲

酸石榴皮

各五錢

硃砂

雄黃

雷丸

甘遂

各

一錢半

爲末米粉煮糊爲丸麻子大每十九五更時粥飲下善殺諸虫或加麝香少許尤妙

又方單雄黃末酒調下亦可

凡取癆虫依五藏方選用。必俟其大醉日方可取之。取後隨補各藏。如取脾虫後則補脾。取腎虫後則補腎。若病甚者。不分藏府。只用追病丹以斷其根。又有輕者。用鰻魚煮食。或紫河車。單陽虛者。金液丹最妙。

取重法先令病家以皮紙糊一密室。不留罅隙。擇一老成人過通。以安息香水洒其過通之人身。以雄黃雌黃塗耳目口鼻上。備鐵鉗一把。布巾一幅。用香油二觔。入鍋微煎令沸。仍用高桶一隻。置石灰在內。生布巾蓋桶口。俟月初。重頭向上。却服取重藥。五更初一服。五更三點時一服。服後腹中疼痛如刀斧劈。總不妨也。至巳時必須下重。或取臭穢如膠漆。或吐瀉膿血癥塊。皆于灰桶中。其重或從汗出如紫蚕苗狀。或從耳鼻口中出。或小便出怪。

形不一或青黑或黃紅大者急用鐵鉗取入油中煎當日將油紙裹重入瓦罐內石灰填實埋于深山遠僻處以杜傳染其患人衣被蓆床盡皆棄之醫者付藥遠避其取下重色白者食臟府脂膏可三十日服藥補之色黃赤者食血肉可六十日服藥補之色紫黑者食精髓病傳至腎可謂極矣與其萬一或爲子孫除患則可又重頭白者亦難治此危氏說也丹溪云不必深泥

追重方

一紫河車丸

河車一具

焙乾

龍膽草

甘草

各二錢

鱉甲

五錢

桔梗

胡黃連

大黃

苦參

黃栢

知母

貝母

敗鼓心

人中白

各二錢半

犀角

莪朮

芒硝

各一錢半

辰砂

一兩

爲末蜜丸梧子大辰砂末爲衣每念丸至三十丸
腹熱食前溫酒下膈熱食後溫酒下傳屍癆瘵俱
可愈其餘勞怯一月平復

一天靈蓋散

天露蓋 二指大 檳榔 五個 麝香 阿魏 甘遂

安息香 各三錢 硃砂 一錢

爲末每服三錢用薤白葱白各十四莖青蒿二把
甘草桃枝柳枝各五寸桑白皮石榴根皮各一片
以童便四大碗于磁器內文武火煎至一碗去渣
分作三蓋調前藥末五更初服男患女煎女患男
煎服藥後如覺欲吐卽用白梅含之五更盡須下
虫及惡物黃水黑糞如未下良久又進一服天明
更進一服如瀉不止用龍骨黃連等分爲末白小

調下及白梅粥補之。

白薇湯

白薇

當歸

各一兩

人參

甘草

每服五錢水

煎

倉公散

治卒中鬼擊心腹如刺下血不省及卧魘

齒脚指不覺并諸毒等症

皂莢

藜蘆

雄黃

研

礬

煨研各等分

每用少許吹入鼻中未嚏再吹以得嚏爲度

肉鼻散

治尸厥脉動亂而若死

用石菖蒲末吹鼻中仍以桂末安于舌上

蘇合香丸亦可

硫黃散 治尸厥不省四肢逆腹中如雷鳴或痰氣
不降

焰硝 半兩 硫黃 一兩各爲細末

每服三分酒調灌之良久再服卽甦

醫案題辭

石震

夫醫病者無一定之治。然不可無一定之學。譬如同一病也。有主于扶陽之說者。以扶陽之法治之。而其病愈。有主于滋陰之說者。以滋陰之法治之。而其病亦愈。蓋學識既定。殊途同歸。內經云。醫之治病也。一病而治各不同。亦此意也。廼淺夫窺其一隅。遂欲執此非彼。豈窮本達源之論乎。今按慎柔之醫案。合之慎柔之學。若左券焉。固無所不驗也。若欲執慎柔之醫。以概天下之醫。則予豈敢。至欲執天下之醫。以非

慎柔之醫則此書既付梨棗公之海內傳之千百世其間自有識者定論予不必贅夫慎柔往矣慎柔之書燼矣今復不能終秘而炳諸日星此亦有天也非人也予又何功焉

慎柔五書卷之五

毘陵

石 震瑞章父 訂正

顧元交專尹父 編次

醫案第五

風例

金壇孝廉蔡長卿令堂年六十餘。六脉俱數八至。按之中沉則滑而實。惟肝腎二脉洪大而虛。經云數則爲熱。滑則氣有餘而血不足。外證則唇欠目劓。手搯身搖。面色紅白不時。遍身熱火攻刺。自言心

中昏悶。四肢浮腫硬堅。此皆風火搖動之象。陰虛陽亢之證。正經所謂熱勝則腫。風勝則動也。宜滋陰抑陽。用四物湯以養血爲君。加山藥以扶中氣爲臣佐。山萸以助陰養肝。使黑柏二分以引經。陳皮理胃氣爲俾佐。服二劑。診之數脉退去一至。又服四劑。又退一至。而昔日之虛洪稍收。歛有神矣。外證四肢腫硬漸平。攻刺亦無。心中不言昏悶。又四劑。前之硬滑俱已空軟。數亦更減。然真陽未復。邪火未盡退也。以六味丸料四兩作一劑。頓服之。

腎經洪大脉全歛而火退矣。復因夜間取涼太過。至下午覺身寒。唇昏紫黑。此邪火退而陰陽俱虛。急用人參三錢。白朮一錢。甘草三分。白茯苓二錢。當歸二錢。附子一錢八分。官桂二分。服之一茶盞。覺身中大熱。口乾。時索水飲。發熱。此正氣虛不相和。合降不下故也。至更復診之。六脉俱細。急短數畧無和氣。予甚危之。三明日再診。則有神氣。尚有六至餘。此陰陽未全克復。元氣未充耳。教以朝服六味一錢五分。日服補中湯數

十劑而愈。

劉某夫人年及三十稟體元弱。未病十日前。身如舟中行。後忽遍身痛。臍下痛。牙關緊不言。目瞪汗出。大小便不通。身熱。延予視之。診其脉俱浮細。來往不定。一息十餘至。重按則無。退而思之。外證皆屬陽虛。脉又無神。臍下痛甚。目瞪至死而醒。陽和之。氣欲脫。而胃氣虛。升降失司。故大小便不通。且東垣云。裏虛則急。以此思之。則內外俱虛。宜先建中。將四君去茯苓加歸芪各二錢。熟附二分。午時服。

一貼遍身痛稍緩而小便溺矣。申時又進前劑。止遍身痛已。大便亦通。但臍下痛不減。及兩脇痛。此陽虛也。寒甚也。又加附子五分。臍痛止矣。但大便了而不了。有欲出不出之狀。正東垣所謂血虛加當歸身一貼而愈。

李子才年四十餘。素性暴。忽因怒卒暈倒。脉浮中無。沉按數六至。此陽虛陷入陰中之證。以補中益氣加六味丸料少許。四貼而愈。

一少年忽不思食。惡心。偶逢文期。強作文。一日晚。卽

頭暈作嘔。余脉之。二寸洪緩。以爲勞碌而動心火。遂以加味逍遙散二劑。嘔不受。病亦不減。其年正二。三四月淫雨。此濕勝而然也。以太無神术散一劑。卽不嘔惡。第頭暈未除。二寸脉尤如故。其脉狀有焰焰欲發之意。用前劑加紫蘇防風。取微汗。頭暈除。脉亦退。第不思食耳。六君子一劑。飲食如常。周近菴令愛年十九。左耳下紅腫發熱。作痛。脉之六部俱數。八至無神。且素弱。經水不調。予曰。此運氣病也。以小柴胡合四物。加牛旁子。內黃芩。用酒炒。

四劑而愈

近菴令子室年二十餘。兩耳下俱紅腫。痛甚發熱。其狀可畏。醫者以大黃行數次。又用敷藥。反覺坐卧不安。亦運氣病也。診之六脉俱細。數少力惡。心不食。先以人參敗毒散一劑以發之。又用甘桔加牛旁射干陳皮半夏含嗽之。次將小柴胡加牛旁六劑而腫消。飲食尤未食。異功散加牛旁四劑。脾胃健而全愈。

馬山徐雲所六月受熱受勞。又飲酒。忽上膈不寬如

刺痛頭重且暈。自以過食。曾以指探吐。就枕不得。惟坐而已。予診之。二寸俱洪。緩有力。關尺俱弱。帶弦。此濕熱上干清陽之分。故頭暈重。胃膈痛。此時症耳。用平胃加半夏黃芩紫蘇木香。取微汗。此症卽退。就枕平復。

瘧例

淮安客年三旬外。季夏患瘧。瘧單熱不寒。連日發于午後。熱躁譫語。至次日天明纔退。數日後忽腹痛。晝夜無間。勺水不進。呼號欲絕。遇瘧發時卽厥去。

延醫治之。投藥皆不效。求余診。脈弦細而濡。余謂
弦細爲虛。爲暑而濡爲濕。蓋暑邪爲癰。濕熱乘虛
內陷而腹痛。用酒炒白芍 炙草 五分水
煎調下。天水散五錢。服後腹痛如失。次日癰亦不
發。

痢例

甲辰閏九月間。天氣寒熱不時。痢者甚衆。予四弟永
稔年二十七歲。忽患痢下紅。腹痛後重。已三日矣。
來取藥。付以芍藥湯一貼。香連丸二服。不止。反增。

心口如刀割。當臍腹痛。肛門痛亦劇。聲撼四鄰。自
分必死。告母決別。因整囊往鄉視之。晝夜不得卧。
次數難定。目下紅血一桶。痛不可忍。發熱流汗不
食。脉之六部俱豁大。浮中沉無力。四至。予曰。雖痛
雖發熱。脉無力已虛寒矣。古人云。脫血益氣。此証
正宜。遂用

異功散加升麻三

分。木香五分。炒乾姜五分。一劑去後。覺踈痛亦可
忍。至五更腹痛如前。予曰。此藥力盡也。急煎一劑
與之。比前愈踈。痛亦減七八。卽酣睡至日中方醒。

云不甚好過。予又曰。此藥止能支持一覺。再煎與之。遂安寢至曉。心腹痛止。後重亦可。還服前劑而愈。一二日後。因吃雞肉。仍前腹痛。肛腫。穢下不止。又三日。病勢篤極。復報予診之。脉三至。餘浮無沉。按之則大。脾命脉微。與補中益氣湯不應。此虛脫之甚。加御米壳一錢。亦不應。下如洞泄。流汗發躁。尺脉漸欲收短。予亦慌急。令人二更後往城取參。至早歸。補中益氣加人參二錢服之。下咽覺愜。此正氣欲復。邪氣欲退也。頃之精神頓增。痢稍緩。恐

再作又一劑下注昏憤發熱躁諸証漸緩脉亦有神短脉退尋思久之古人云久瀉久痢湯劑不如丸散即合參苓白朮散與服覺踈下至下午復躁再脉之左尺洪如火射狀此陰虛火動之象與加減八味丸五六十丸精神覺爽頃之又下八九十丸睡至天明病去十七方信立齋師加減八味丸治水涸之証即令朝暮服此丸復合參苓白朮散漸愈復勞覺小便痛想動色事故耳服以逍遙散門冬五味子而平

王春元二令郎年甫七歲久患赤痢消導削積之劑已服過多後轉下白如涕渾無糞診之浮中沉六脉俱虛無神三五不調外診手足俱冷且硬面浮齒白懶語此陽氣虛寒之証宜溫補脾胃以生肺金用補中益氣加炮姜官桂各二分其間人參止用三分且陳腐不堪服四劑手足畧軟言語亦健第未溫耳其下白仍不減亦虛寒滑脫危證宜補宜澁宜溫復用前藥加好參五分大附二分半御米壳一分服一劑則足已溫大便卽有糞白退十

八自茲手足俱溫軟泄白全止還服前方去御米
壳附子二味予歸囑以如身中已溫暖姜桂亦去
後服參苓白朮散以培中氣使來歲乙巳厥陰風
木之氣不能制飲食猶宜慎之

傷例

予友薛理還僕遠行忍饑又相毆脫力時五月初遂
發熱譫語友以補中益氣及五苓數劑不效延予
診之六脉俱無乍有則甚細其外証則面赤譫語
日碎一友曰陽病見陰脉證在死例予曰當以陽

虛從脉捨證治之。遂下附子理中湯。冷服二貼。脉
稍見。四貼則脉有神而口碎愈矣。六貼則脉如常。
但譫語未已。予曰。脉氣已完復而譫語不休者。胃
有燥糞。宜以胆導導之。果下燥結。譫語遂平。
馬見源精神素弱。且勞甚。餓時吃冷肉一塊。遂不快。
發熱譫語作狂。乃飲食勞倦之證。鄉醫先汗一次。
不退。又下三四次。便倦怠昏沉。不思飲食。吐痰。晝
夜不寢。下多亡陰。中氣大虛之故。迎余診。六脉俱
有四至洪緩無力。

至半夜反加吐痰不已起復診之六脉俱細此邪氣已去真陰欲還陽虛發躁之象急用六君加姜桂各三分服卽成寢至明午方喚醒之又一劑欲睡不醒精神反覺懶怠邪氣盡退而正氣將復矣至下午吃米湯一鍾口知穀味再用補中加乾姜桂門冬五味而瘳

脾胃例

孝廉王于鑒父年六十餘六脉俱弦牢右三關浮中沉甚豁大左三畧差外証晚則作飽且大便不利

此土受木制。脾胃不輸津液。中氣虧損之候也。宜
補脾胃。生肺金。乃用補中益氣湯。加官桂以削木
之尅。制炮乾姜以溫脾胃。微沉寒。山藥山萸佐當
歸。養陰血。麥冬五味驟收肺金。以生新水。服二劑。
覺胸中稍寬。身中反有眩意。此正氣欲復而邪漸
退。故瞑眩耳。又服數劑。復診之。則牢弦已去。第二
尺俱洪。此真陰真陽並虛。當平補之用。八珍晚服。
六味丸。大腸漸潤。再數劑全愈。

丘生年十八歲。正月間。過食麴餅湯麪。遂不快。發熱。

頭痛邀予診之。脉畧緊。中沉洪滑。曰。當先除去風寒。以九味羌活湯一貼。寒熱頭痛悉去。但不寬快耳。予適他去。彼延別醫。用柴平湯一貼。病不減。晚歸診之。脉洪汗出。以腹痛甚不可按。以玄明粉泡湯下導滯。九二錢。其痛減半。尚有脹。再用前丸一劑。而飽脹如脫。但腹痛耳。復增壅狀。予又診之。六脉俱細弦。此脾土受木乘。又被伐之過。宜用溫補。以中湯二劑。肚痛除。又以過食復飽。診之弦細。仍以前湯。但溫脾胃而食自消。諸症去。

湯如王母懷七月而生後每大便甚艱須二三時方安百治不效予謂屬肺腸氣虛不能吹送欲來不來乃脾虛也脾主信欲來不來無信也當補脾肺使各施其令而吹噓之氣自如調理果數月而愈一婦年五旬二寸浮洪二尺小右關弦不思食頭眩余曰二寸浮洪病主頭眩亦主上膈不清此陽氣虛而越上不能歸根復元以致丹田氣虛寒不能溫養脾胃是以右關脉弦飲食不消而少食也理宜歛陽氣歸于下焦丹田之內下焦溫暖脾胃自

健水穀自化矣。用桂製白芍六分。五味子二分。白
茯苓一錢。紫蘇五分。黑姜三分。人參五分。杜仲一錢。
破古紙五分。炙草四分。湯炮半夏一錢。加煨姜十
餘劑而愈。

蔣懷劬年六十。素吐白沫。已數十年矣。忽喉中有噎
意。以白子曰。此脾胃虛寒也。宜用人參調補中氣。
彼辭以貧窶。自將白糖薑汁熬化含吐。及六七日
則糖泄日五六次。神亦勞倦。食亦不食。延視之。六
脉皆二至。來三五至則止。如雀啄之狀。此元氣大

虛不能噓吸周迴耳。用六君加肉桂四分吳茱二
分乾姜二分二劑。則脉連續而不止。又二劑反加
浮洪粗大。數八九至。發熱口碎舌碎。乃虛陽上越
之證。予思之。脉已犯難治之列。且吐沫不止。腎水
泛脾虛失統也。用十全大補加半夏陳皮吳茱萸
四帖。浮洪頓減。

病亦稍退稍

勞卽復。服數劑復減。再勞又如故。至兩三月後藥
亦不受。亦不效。五六日而歿。先賢云。粗大之脉難
治。書此以證之。

虛勞例

曹桐江令堂年六十外。九月間發熱少食。余診之。六
脉俱無神。有八至。右關浮則滿。中沉則無。正經云。
脾虛浮。似肺。亦火內鬱之証。脾弱宜矣。用補中益
氣數劑。變瘧。此正氣復而邪氣欲出矣。復用六君
加

乾姜四貼。痊復。合參苓白朮丸調理。

康健如故

三月間予六弟年九歲。先于二月十八日病痧。痧退
後發熱不已。不食飯食。惟飲冷水。啜數口。少頃卽

出延至三月來報予思之曰不思食脾胃虛也欲
飲水熱也飲少頃卽吐中虛假熱也且兼吐酸水
此木旺土衰之病以六君加姜炒山梔澤瀉小柴
二劑住少頃復熱此中氣虛極得藥力則退藥衰
復熱此藥力少而病氣重也往診之脾胃脉細弦
無神五六至不定見遲左三洪漫看指上三關俱
透命關脉已黑喘氣晝夜不休遍身發熱云十日
餘不更衣矣遂膽導一次出糞不黑不硬而帶滯
非真元之熱乃脾胃氣虛不能升降耳小便赤澀

欲便則叫呼痛楚之極。乃陽氣餒而下陷。升降失司。氣化失職。所致。用補中合六味湯三貼。加麥門冬。五味子。喘氣卽止。熱亦退。惟小便澀痛不已。仍用補中益氣。加麥冬。五味。牛膝。車前。乾姜。炒黑。清肺生水。升陽益胃。暖中一劑。小便出血。并血塊若干。乃邪火煎熬陰血。乾枯而成也。又二劑。痛止。飲食頓增。全愈矣。予曰。用前劑而獲如此之效。豈非補脾養肺。金盛生水。氣化自出之謂乎。了吾先師云。無非清氣下陷。不升不降。此翁諄諄言之。治百

病無不驗。謹識此以語後昆。

曹梧岡令愛年十歲七月間以勞倦發熱不思飲食。診之六脉俱洪。用逍遙散四劑遂愈。自後飲食不甚貪。肌肉不生。此脾胃虛也。還宜服補中之劑。彼視爲泛常。不及調養。延至十一月間。忽氣喘咳嗽。此土不能生金也。且發寒熱。復診之。六脉無倫次。無至數。偶來一如遊絲。亦無定蹟。外症喘急吐痰。不食面紅。遍身冰冷。兩目有時而左紅赤。有時而右紅赤。此脾胃久虛。真陰漸亡。虛陽上越之危證。

以六君加姜桂各三分。門冬、五味、黃芪二貼。嗽爲少緩。四貼而寒熱止。飲食增。又診之。右三脉尚弦。細用補中。加姜桂晚煎。八味丸一錢五分。十餘劑而痊。至來年正月間復病如前。蓋因節下飲食過傷。亦緣前之元氣未復。脾胃未充故耳。其證比前更重。脉亦如前。日夜不睡。以歸脾湯加大附三片。姜桂各二分。服一劑。卽斂睡一晚。又三劑。更服補中。加姜桂。山藥故紙二十餘劑。復診之。右三比前覺定。但弦不和。劇服前湯。用八味丸四十餘粒。同

煎服之。又二十餘劑。身溫症退而平。

錢心卓。令愛五歲。先于十二月間。患肚門腫痛。且碎且瘡。不思飲食。以翰示予。曰。此脾胃虛弱。虛陽內鬱。不伸下溜。侵肺金。受剋之故。宜六君加升。柴。吳。萸。製黃連炒黑色三分。二劑。卽瘳。第未全復。延至正月。盡發熱。不思食。眼劄淚出而紅。泄瀉。服他醫。煮肝治疳之藥。不效。復語予。亦以四味肥兒之品。與之。初覺有效。數日反益重。此元氣已虛。攻伐太過也。遂乘舟來就診之。則右關弦細。左關洪漫。發

熱日夜更甚。晚間瀉十數次。咳嗽。予嘗觀脾胃不足。及久病之人。未有不左脉。不過于右者。正東垣左脉剋右脉之說。理勢使然。況脾土一虛。肺金益衰。水涸木枯。枯木生火。焉得左脉不大。于右用前劑。加姜桂。門冬五味。送下四神丸六七貼。暫進。暫退。脉細如故。此元氣未充。不宜改方。彼亦深信。又服四劑。眼劄畧踈矣。此真元漸有復意。適了吾師至云。所用之方止。陳皮泄氣。不能堪也。又去陳皮。十餘劑。病減十八。再數劑全愈。

張敬山夫人年四十外病已八月多矣。遍身肉盡。脫氣喘不思食。延予視之。六脉俱和緩有神。四至雖名有胃氣。經云。形肉已脫者不治。脉不應病者死。姑用六君加門冬五味乾姜二劑。初覺不安。頃之遂寤。睡氣喘亦踈。聲亦響亮。復診之。六脉俱細。脾肺二脉似來似去。欲脫之象。此的爲死候矣。再三諦詢。彼云稍可。但不思食耳。予思此脉比前反退。甚是不宜。又勉進前劑一貼。又瀉增胸膈飽悶。且不納水湯。此中氣已虛。不能輸運。遂查曆日。乃乙

巳日。今晚死矣。重于甲。卒于乙。此五行之定制也。巳而果然。友人薛理還云。久病。脉有神。服藥頓退。此決死之病。正如燈火之將滅。反愈明。而據絕耳。王姓女六歲。痘後患咳嗽。將三月。不思食。迎予視之。六脉弦細。此脾肺虛寒也。六君加姜桂。門冬五味。四劑。飲食頓進。嗽亦稍止。此真元未散。藥力易得。再十餘劑。病去十九。然脉尚弦細。較前不過畧和。教以服前劑。不允而止。明年復患如左。脉亦仍前。以前劑治之全愈。第脉終未和緩。猶帶弦細也。予

曰病雖瘳。脉氣未復。又明年三月重患如前。又視之如故。以十全大補湯。門冬五味四服而愈。予思之。猶未脫也。當補中。大補劑百餘方。獲五藏堅牢。而宿疾不再起矣。不然年盛時色。念一動。將有不勝其喘患矣。世醫以咳嗽之疾。全作痰火。盡治以清痰降火。順氣剋伐之劑。遂致脾土中損。多至不救。不知咳嗽之疾。繇脾胃不和。肺金失養。金不生水。心肝二火陡起于內。乘所不勝。遂咳嗽不止。而肺病奄奄。脾胃益虛。此干病母憂。化氣使然也。正

宜補脾胃。生肺金。不拘劑數。使脾肺得養。五行皆化。土盛金生。而咳嗽自休矣。

丹塗王盛之年三十餘。六脉俱九至。外証則咳嗽面赤。嬾言怕鬧。時病已年半。從前苦寒之劑。不記數矣。此真氣已虛。而脉數也。經云。數則元氣虛。數則脾氣虛。又云。數則有熱。而屬虛。是皆不足之症。六脉中。又脾腎二脉洪大。此金虛不能生腎水也。理宜補肺金。生腎水。水旺則制火。金旺則生水平。木水平則脾上盛。又生金矣。此正治也。乃輿云。茲証。

服藥十四五貼。或念貼外。當有汗出。此陽氣升而
經絡通矣。汗後卽當倦八九日。或半月。此邪退而
正虛也。或十日半月。元氣漸復。倦態方去。自後服
溫補脾胃之劑。又當痰動血動。或發腫毒。或作瀉。
此數者。聽其自來。乃藏府邪氣欲出發動流行之
象也。倘不預言。恐變証多端。患者驚駭耳。因與以
補脾生肺滋腎水之劑五六貼。數脉不減。此真元
虛而燥也。卽以前劑去。頭煎服二煎三煎。不十劑
而數脉退去。此時虛火一退。中氣便寒。以六君子

加姜桂五六貼。脾氣運動。痰飲便行。歸于腰脇肝
腎部分。大痛邪之所湊。其氣必虛。益見肝腎虛矣。
令外以鹽熨。內服二陳加枳仁。玄胡。索薏。苡仁。二
貼。大腸見痰血而痛止。復用補脾六君加五味白
芍而愈。倘不預明此理。則變出脇腰痛時。便沒主
張矣。

一婦年五十。小便時常有雪白寒水一塊。塞其陰戶。
欲小便。須以手摳出。方溺。否則難。予曰。此胃家寒。
濕緣脾胃虛寒凝結而下墜。至陰戶口而不卽出。

者脾胃之氣尚未虛脫。但陷下耳。用六君加姜桂。不念劑而愈。

一婦素勞症。四月間胸中作飽。腹亦脹。不饑。日夜瀉十數次。診之。肝腎脉弦而不和。此肝腎虛寒也。治以破古紙一錢。杜仲一錢五分。山萸三分。熟地三分。吳茱萸三分。甘草二分。烏藥三分。沉香磨三分。四貼稍有轉頭。八貼能進湯水。念貼全愈。

幽義儲中和持齋十七年矣。先九月患夢泄。已而發驚。此五藏空虛。津液燥涸。肝木生風。風火扇搖。故

令精動而泄也。攻補皆不効。先潤養其脾胃。脾胃潤。使津液四布。百骸通澤。一月後再診之。肺脉大。土不能生金也。左尺細長。金不能生水也。餘俱洪緩。第不甚流利。以補肺之劑四貼。腎脉則和而長矣。虛則補其母之法也。先時不知饑。以異功散加黃芪桂芍五味子。補脾生肺。肺後生腎。三藏相生。晚卧不寧。以歸脾湯間服之。元氣漸充。精神漸發。越半月餘。加用太素丸。全愈。

庚午正月診得用吾先生左三脉沉枯細小澀。此勞

傷筋骨脉也。右三脉浮而洪數。左右皆八九至此。飲食勞倦傷脾脉也。其症神思昏倦發熱。先因飲食不消。曾服消導之劑。以致至此。思之曰。脉雖數。年雖高。症雖重。而長緩尚可。望生遂用保元加桂芍五味子黑姜三分。服數劑。浮洪脉歛。數脉亦退。第不知饑耳。此脾胃不開也。且服此劑而無汗。必血氣未全旺。遍身經絡尚未通故耳。恐此後必發毒。因五藏之邪未透。毒必內攻一經而出。况此平素鬱勞甚。毒必從虛藏而出。未幾果少陽經發一

毒痛甚其堅如鐵灸之念艾遂浮腫而散傍復生
一腫再灸念艾而痛止耳前後板甚此血雖行而
滯未盡散經絡未盡通再以保元補脾活血通經
之劑與之適左半身發汗甚粘左屬陽此陽氣發
動也明日覺身中不安而躁此作汗之兆果下午
遍身有汗且作瀉此中氣虛寒也以和中散人參
湯調服遂少饑肚痛亦退矣明日再診六脉俱六
至二尺弦此下焦虛寒丹田氣冷命門火虛不能
生脾土也虛則補其母不思食而作飽當以六君

子湯主之。加破古紙。小茴香。溫下焦。以生火。火以生土之義。加黑姜。以溫中。以消食。健運。加桂芍。五味。以欽肺。金生水。水升火降也。自此以後。脾氣漸健。飲食漸進。而腫處滯血。方化爲膿。大抵脾胃之疾。兼之高年。又值春木正旺之時。過此一關。無肚飽之証。作可保萬全矣。

頭痛例

一老婦患頭痛二月。諸治罔效。余治以通經絡和氣血之劑。十餘貼。晚上吐血二碗許。其家惶急奔告。

余謂其症明日當愈已而果然。

一貴介年三旬。先因齒痛。用石羔三錢煎服。頃卽滿頭皆腫痛。牙根上腭腫勢尤甚。俟天明稍退。蓋得陽氣故也。診之右關細澀。左關洪。左尺亦澀。余謂須納氣下達。方得脉和。定方名羌活散。火湯羌活酒炒五分。防風三分。酒連一分。酒苓二分。白茯苓一錢。人參二錢。甘草五分。半夏一錢。破古紙一錢。枸杞子一錢。二劑其細澀脉卽粗大。是陽氣下行矣。頭痛稍止。可見前頭痛是下焦無陽。陰火上衝。

服至八劑。頭痛全止。齒根腫猶未退。脉則益和。余
曰。將愈矣。此陽氣已至。恙所果。四五日後。出膿少
許而瘳。

胃脘痛例

萬曆壬寅六月間。家君年五十三矣。患心口痛。嘔食
面黃。診之脉細。弦數六至。餘即灸氣海。乳根各數
壯。服補中益氣湯。加吳萸。姜炒黃連。山梔。二三十
貼。又以四君加減。九補脾。遂愈。明年天旱。家貧。車
戽力罷。復吐酸如前。再服前劑。及八味丸而安。

一婦人年五十餘。素有心疼。久已踈矣。七月間舊病忽作。醫以寬中導氣。削堅攻血等劑。致中氣愈虛。不思飲食。神憊。迎予視之。已五六十日不食。診之六脈俱沉。惟脾胃弦細。似有神。尋亦難得。外証則心口痛。左脇脹硬。嘔苦酸水。但能飲清湯。如吃米湯一口。卽飽脹不勝。正木來剋土之証也。然其人脈病雖篤。面色肌肉猶不甚脫。憶古人憑証不憑脈之語。投以異功散。加吳茱萸。乾姜佐之。姜炒山梔三分。二貼病去十五。再二貼而愈。

眼痛例

徽州方奉安令郎。十二歲孩時。乳母無乳。且喜酒。恐其父知。無乳。私以果米食喂之。乳哺三年。後便眼。弦紅爛。此受母濕熱故也。漸至眼不得開。延予視之。六脉俱洪。曰。此腎水不足之疾。當益水以滋肝木。以六味湯加柴胡。山梔數十貼而愈。時方秋候。余復言。宜多服前劑。預培腎水。以助來春生發之氣。彼怠緩不果。至春遂如予言。他醫治以芩連涼心之劑。延至五日。眼益不開。且發熱。不思食。作瀉。

咳嗽。此過傷苦寒。收降太過。致陽氣受虧。胃氣不升。發也。復請視之。六脉俱八九至。按至骨則細無神。左心肝洪大。于右按之無力。此氣血太虛。元氣大憊之症。幸童子真元未散。尚可救藥。亦須服藥半年。方可見效。治以四君。加黃芪。山藥。門冬。五味。三月。咳嗽發熱稍可。作瀉。猶未止。教以服補脾參。苓。白朮。丸。間以前藥。至半年。脉退六七。眼亦開矣。第赤爛上下粘膩未除。或時可。或時粘。此正氣未全復。邪火未全退也。還當扶元氣。而邪火自熄。彼

各于參費復用別醫以補血當歸生地之類一兩
月前症復作眼復赤爛不開反增惡寒發熱作瀉
咳嗽如舊事已告急復求予診六脉俱細數比前
又甚余許以八貼之後惡寒不減便不可回服保
元湯如白朮門冬五味四劑後惡寒頓退惟發熱
不已予曰蓋惡寒者陽氣虛也服四劑而祛之陽
尚強尚可抹療後以保元四君加山藥門味出入
服之至冬眼弦赤爛已去數脉俱退止五六至按
之無力眼中不時兩眦有紅筋入睛此虛陽上越

之故也。以補中湯去升麻加熟附一二分七八劑
後退數脉亦退仍治前劑而全愈。

左光祿承年及四十兩目俱瘀肉滿珠他醫與以祛
風散熱之劑不效。余謂脾主肌肉此脾胃肉滯也。
以桃仁泥二錢枳實一錢五分連翹一錢五分玄
明粉二分白芷二分山查肉一錢五分晚上日服
一貼至十貼而全愈。余以此方治數百人患此者
俱未嘗不效。第先曾服多苦寒之劑已傷脾胃不
思飲食者禁不可與如勉用之則眼必壞且致虛

損如患此症服過寒涼已傷中氣且宜靜養守之
亦得漸退不可造次致于失明蓋此症醫者罕識
陽明多血多氣之經而經云血實宜決之此方決
之之意也如患者脾胃素虛必欲服之或間日一
貼或間二日一貼可也急服則損目傷脾矣

丘豫章患癰翳滿眼醫以大黃行之祛風散熱之劑
服之俱不退以前方三四劑而愈

一女年五十餘素眼疾日服祛風散熱之劑忽口
乾且發熱多眵開合不得紅筋薄翳滿目六脉洪

數五六至。浮沉俱無力。此氣有餘而血不足症也。
四物加黑柏二分。山梔陳皮八貼而愈。

劉夫人年五十餘。忽眼疾。醫以祛風散熱養血之劑。
治之不效。已五六日矣。眼珠痛聲撼隣。予診之。左
關洪喘且大。此肝血不足。肝自生風也。細視之。左
瞳神散大。痛不可忍。無紅筋。加味逍遙一貼。服之
痛止。一二時復作。此藥力盡也。日服二劑。將六七
貼。痛減十六。十二三貼全愈。後教以服六味地黃。
以生肝木。

楊宅使女年八歲。兩目眵淚不乾。

眼腫赤

爛。此脾胃濕熱也。以胃苓加酒炒黃芩連翹六七貼而愈。

一朱友年三十外。患左目自上而下紅瘀兼翳。俗曰垂簾。其勢自上而下。像垂簾之狀。故云。用加味逍遙去白朮加川芎少白芍十數貼。去其十六。再十貼而全愈。復令服六味丸。一唐友年二十外。証亦如前。亦用逍遙加減如上。服十五六貼而愈。

齒痛例

家慈年五十三歲齒痛不食已幾月矣人誤以舊方
用野蜂窠填入鹽椒羊脰骨爲末擦之滿口皆碎
倍痛愈不能食而母以人中白塗疳散抹之方可
進湯水遂乘舟入城診之右三脉俱伏左寸關細
左尺洪緩忖曰簡方醫病不如以理思之右三部
伏因齒痛不便食脾胃失養故也左寸關細者緣
脾胃虛不能榮養心肝之血而然左尺洪緩乃濕
熱耳用白术甘草陳皮補脾胃四物湯以養陰血
蒼术茯苓黃柏知母以除尺之洪緩骨之濕熱四

貼而愈

崔友年二十外。素好色。忽患齒痛。遣使來云。病齒齟
腫痛。且流血不止。予思之曰。此木剋土之象。肝腎
血虛。風火妄動。乘其所不勝也。以加味逍遙散二
劑治之。服一劑則痛減。血收。二劑全愈。蓋涼肝腎
之陰。治風熱之標。培脾土之虛。經云。木鬱則達之。
火鬱則發之。正此謂也。

師祖存碧年四十餘。素脾胃不克。忽一日齒痛。兩口
角流涎不止。灰挹滿斗。楚聲撼隣。脉之右關弦急。

此脾胃虛寒之症。用補中益氣湯。加吳茱萸、乾姜、肉桂各三分。內人參五分。服之頃間。痛未解而反增。坐卧不安。此藥力未施也。再頃之。痛未減而涎猶不止。予曰。涎乃脾家液。不宜過去。卽煎前湯。加人參八分。明日又如上一劑。痛止。液亦不出。再三貼全愈。

襍症例

一女人胎八九月矣。忽腰痛甚。診之六脉俱細。二尺俱清。且弦。予疑之。視其懷抱不虛。予曰。雖是胎。恐

難產亦恐或墮。後遇查育吾先生診。亦如予言。以養血氣藥與服。遂得如期而產一子。然不基而亡。觀此女素稟弱。勉得胎孕。而乏其滋養。宜如此之尅驗也。

姪男甫六歲。三月間發熱三日。左面心胃經部分出痘一顆。如鷲眼大。右眼弦胞皮上。一顆不甚發。而沒餘有細紅筋數條。至五六日不貫漿。發熱煩躁。晝夜不睡。肚飽咬牙。寒戰抽搐。時刻喊叫不安。余視之。六脉俱八九至。幸大便不瀉。予思曰。肚飽者。

脾胃弱不能輸運毒氣也。煩躁者腎水不足而有火也。抽搐咬牙者水不能生木。枯木生火。風木搖動之象。乘其所不勝也。大法當先保元氣。清肺金。生腎水。水旺木滋而火自息。遂令方名保七六三湯。保元湯七分。六味湯料三分也。加門冬五味一貼。鼾睡半日。醒而復躁。復半日。遍身如蚊嚙之狀。甚細。又照前一貼。復睡如前。醒復煩不安。予曰。鼾睡者得藥。暫元氣少。復邪氣少退之。故復煩者。裏毒未盡出也。復用參芪四聖飲二貼。漿足黃如蠟。

色又七八日方脫。曆古云三日熱三日透三日齊。三日漿足。三日脫。曆此正氣不虛者言也。虛而邪盛者不拘于此。余曾見咬牙戰寒俱棄之不醫。而諸書亦云難治。惟立齋先生有治法不拘此神化再出。非庸醫可覩其一二者。

葉少池令郎年十五發熱。足不能行且痛。予診之六脉俱數十至。二尺弦細。此血虛發熱兼濕有寒。用逍遙散加酒栢三分。蒼朮一錢三分。吳茱三分。二貼全愈。予不意應效如此之捷。

丁曾成年四十外。春季右腿正面忽痛麻。診之右三
洪數五六至。問口渴否。曰是也。升麻葛根湯二貼
而愈。

壬寅九月間。大妹年二十一歲。緣家貧憂懣。忽患乳
癰。不信服藥。漸至脹突長尺許。極爲可駭。余思石
山先生微義。大都人患瘡癰。畏針不早開膿。致大
傷陽氣。後難收復。卽以神效瓜蒌散二劑與服之。
膿卽射出。厥後果然瘡口不收。汗出如珠。至日西
則昏憤不省人事。予曰。雖膿已出。陽氣終損。第未

全脫耳。診之脾胃命門脉細弦。餘浮無沉。按無力。此陽氣虛也。以十全大補及補中益氣出入服之。數十貼方愈。仍令再服八味丸數斤。方無後患。否則陽氣終難恢復。以怠惰不如所言。來年十月間。前陽虛之症復作。流汗如珠。拭去復有。予曰。此少服八味丸之故。以補中益氣加吳茱萸破古紙乾薑二三貼。卽減數十貼而安。復教以服前丸。妹猶未果。又來年七月。患傷風狀。來告予欲藥。予曰。此陽虛不能衛外之故。以補中益氣二貼服之。緣中

氣寒極不甚。應病已十二三日矣。復召予視之。汗
出流水。面赤舌出不收。嘔惡吐痰。吐酸。晝夜不知
人事。下瀉清水。滿口皆碎。膈中塞隔不通。診其脉
十至餘。有影無形。浮中沉俱無力。脉狀難定。明知
前症之虛寒。尋思東垣此事難知之旨。上吐下瀉。
此中氣不和。脾胃虛寒之證也。卽投理中湯。加吳
萸薑汁炒。山梔一貼。上下皆通。舌收喘定。痰止。遂
索湯水。惟昏憤如故。再一貼。口瘡盡愈。與十全大
補湯并服。加減八味丸二十劑。餘兩太陽各生小

癰一二枚前數脉始退方識人自云向晝夜如驚
今日方醒九月盡再診之豁大難名之脉已退惟
細弦耳尙呃逆吐痰重以六君加吳萸乾薑砂仁
煨薑一二劑呃止復以異功散加乾薑吳萸及前
二丸而愈

丘子明年五十外左乳上發一腫服消毒藥且不戒
勞又兼遠行遂腫大如盤高一寸許尤服消毒劑
反增惡心不思食余視之六脉俱弦微大不和無
神此陽氣虛而脾腎亦虛寒之症以棗大艾圓傍

逐一灸至中以痛爲度。積八十壯。服六君子湯。加黃芪一錢。薑桂各五分。一劑至晚卽睡。不覺天明。腫遂平。嘔惡減半。再劑嘔惡去。飲食頓增。復用八珍湯。去地黃。加芪桂薑如前。腐如瓜瓢。此陽氣尙能作腐。可醫之。兆予適他往。瘵死之肉。剪遲瘡面連結。色黑如墨。重發熱。攻開一方。醫爲割之。熱透遂涼。仍服消毒藥。乃泄瀉日數十行。嘔惡渴甚。肚痛瘡紫黑。余歸急用六君。加芪姜桂如前。煎送四神丸百粒。二劑泄瀉止半。三劑肚痛泄瀉俱定。瘡

色變紅但渴不止此真陰虧也用八物去地黃加
芪姜送下加減八味丸七十餘粒數十劑而愈

一友年二十外左邊睪丸并腰痛醫以大黃等藥付
之約六七日矣反發熱痛甚此寒氣傳于內着而
不行也余診之二尺沉按弱細餘俱洪數且有滑
意予曰此作痛將欲成膿用真人活命飲加人參
五分及牛旁子一劑痛減二劑而瘳

蔣子賢年四十外因長途勞頓兼酒色面若薰黑橘
黃帶微黑也無力不思食六脘俱細盜汗惡心作

飽用六君加蒼朮一錢肉桂二分乾薑三分六七劑口知味知饑至三十貼面紅活但作瀉未止與以四神丸三四服而愈第覺左邊畢丸有腫意此脾胃健運濕氣下流之故也不及治之復北行酒色兩兼且受惱怒重發熱不安與補中益氣加羌活蔓荊一貼熱稍退而陰子腫大如鶩子大左脉洪用小柴胡湯合四物加車前一貼不減且小便溺則澁痛難出口乾發熱更加龍膽瀉肝湯加牛旁子七八貼發熱退去口乾亦減溺亦不澁畢丸

腫軟十八。又服數劑。服活命飲加牛旁人參十數劑。腫消。

王岐崗年十七。讀書坐久受寒。遂左邊踝作痛。用真人活命飲加牛旁人參八貼。腫消。

陸起潛右拘患腫作痛。六脉洪數。右關尤甚。用逍遙散加川芎二貼而愈。予曰。洪心脉也。數火旺水虧之徵也。而右脉盛。氣有餘而血不足也。肝血不足。肝本生火。故脉洪數也。而右陰拘腫痛者。以右脉甚也。拘者。肝家部分。肝木爲火所燥。則筋急而拘。

小
三
攣腫痛也。以前湯清。

其根故捷如

影響也。

劉七官年十 遍身

小余視之則躄

足而臥以隱曲

取耳六脉俱洪

大有力數有十

味逍

四貼而愈越二

月手足復患如前六脉俱按泄

以四物加米陳

芪門味八貼而愈

伍姓者久患漏腫肛口連臀尖流血不止醫以大黃

求敷之其肉漸黑硬麻且病目紅筋滿珠開合不

便。余視之。以逍遙散加味者。添桃仁。連翹。十餘劑。
服之。而紅筋十退六七。而漏亦稍可。予復令搗去。
大黃。日炙艾十餘壯。候痛卽徹之內服。托裏消毒。
散。加破古紙。以其命門脉弦故。一服數十劑。惟此。
方去取一二味。
以軟紅愈亦教以服六。
味地黃丸加故。